

欽定四庫全書

普濟方卷三百八十九 明 周王朱橚 撰

嬰孩諸血痔疾門

總論

夫鼻衄者是五臟熱結所為也血為氣行通流臟腑冷熱調和不失常度無有壅滯亦不流溢血得寒而凝結得熱而流散熱乘於血血隨氣發溢出於鼻竅也又有因傷寒溫疫諸陽受病不得汗熱每停聚五臟故從鼻

欽定四庫全書

普濟方

而出也病瘥後唾血咯血下血者此熱毒積瘀犀角地黃湯主之初病亦宜服 夫吐血者榮衛氣逆也榮者血也衛者氣也榮衛相濟不失常道一有所勝則致妄行血者水也決之東則東流決之西則西流氣之使血其勢如此巢氏云吐血者是有熱氣勝而血虛熱乘於血血得熱則流散妄行氣逆則血隨氣上故令吐血也又或飲食太飽之後脾胃內冷不能消化急吐所食之物氣血相衝因傷肺胃亦令吐血若久嗽氣逆面目浮



腫而嗽血者是肺虛損也。夫大便血者大腸熱結損傷所為也。臟氣既傷風邪自入或畜熱或積冷或濕毒傳於脾胃或疴食傷於臟腑因茲冷熱交擊疴濕互作致動血氣停留於內凝滯無歸滲入腸中故大便下血也。又有或腹脹冷氣在內攻衝亦令大便下血。又因風冷乘虛客入脾胃或瘀血腸胃濕毒一如豆汁又疴傷於臟亦能使血若上焦心肺積熱流注大腸亦令大便下血也。亡血脾弱必渴久則血虛其人必肌體萎黃頭

欽定四庫全書

普濟方

髮不黑矣

沈氏子十歲鼻衄不止或以芰花煎湯或以犀角地黃湯并龍骨末吹鼻數法不效其血

注下召愚視之急以濃鹽水下龍膽丸一服減半再進全除主人曰鹽水有何效愚曰夫血得熱而流溢鹽水鹹冷能凝其血譬之屠猪就血得鹽水而凝結黃連龍膽味苦寒能堅其血所以知其誠苦入口即立效也

凡兒生七日之內大小便有血出者此由胎氣熱盛之所致也。母食濃酒麵麪炙燂醃醃等流入心肺兒在胎內受之熱毒亦傳心肺且女子之臟其熱即入心故小便有之。男子之臟其熱即入於肺故大便有之。血出淡淡有似坯水盛即其血加鮮。凡遇有此不可用他藥但



以生地黄根研取自然汁五七匙蜜半匙和勻温温與服移時安愈男女皆效不須疑慮甘露飲宜兼與服不必他藥萬一無恙勿得急遽妄投丸散

吐血 附論

夫小兒湯氣盛壯上焦有熱伏於心肝二臟播流血脉血得熱則妄行下入胃中胃受之則脹滿與氣俱上衝擊故令吐血

方

欽定四庫全書

普濟方

紫參散 出醫方妙選

治吐血

紫參

山梔子

乾生地黄

各一兩

刺薊

一分 亂髮

燒灰 蒲黃

一分

伏龍肝

各一錢

右都研勻每服半錢至一錢煎竹茹湯調下

犀角散 出聖惠方

治小兒四五歲已上非時吐血

犀角屑

梔子仁

生乾地黄

子芩

紫蘇

刺薊 各一分

右為散每服一錢水一小盞煎至五分去滓不計時



候量大小加減溫服	茵根散 <small>出聖</small> 治小兒吐血心躁煩悶	茵根 <small>兩半</small> 犀角屑 川升麻 川大黃 <small>炒</small> 黃芩 甘	草 <small>灸已上</small> 各一分	右為散每服一錢水一小盞入黑豆三十粒淡竹茹 半分煎至六分去滓不計時候量兒大小加減	辰膠散 <small>出全</small> 治小兒吐血	阿膠 <small>炒</small> 蛤粉 <small>等</small> 辰砂 <small>少</small>	欽定四庫全書 普濟方	右為末和粉紅色三歲一錢藕汁和蜜調下一方藕 節曬乾為末人參湯調下能消瘀血	蒲黃散 <small>出聖</small> 治小兒吐血不止	蒲黃 <small>一分</small> 伏龍肝 <small>兩半</small> 亂髮灰 <small>一分</small>	右研勻細不計時候煖生地黃汁調下半錢量大小 加減服之	治小兒吐血不定	刺薊 <small>自然汁不</small> 朴硝 <small>兩半</small>
----------	------------------------------------	---	-----------------------------	--	--------------------------------	---	---------------	--	----------------------------------	--	------------------------------	---------	--



用蛇蛻皮燒為末以乳服并治重舌	治小兒吐血	無油髮灰	右研細每服一錢煖生地黄汁調下米飲亦可一方	生蒲黃 油髮灰 <small>分等</small>	蒲黃散 治吐血咯血	三服隨兒大小加減	右相和勻曝乾研為末每服半錢匕新汲水調下日	欽定四庫全書 普濟方	飛羅麪 <small>二兩</small> 生地黄汁 <small>二盞</small>	治小兒積熱攻肺卒吐血	粒同煎至四分去滓溫服日三服更量兒大小加減	右麤搗篩三四歲每服一錢匕水七分入黑豆三十	大黃湯 治小兒吐血	大黃 <small>炒</small> 黃芩 <small>去黑心</small> <small>各一分</small>	調朴硝末一字至半錢七日再服量兒大小加減	右先研朴硝為末二百日兒及晬兒每服用刺薊汁
----------------	-------	------	----------------------	------------------------------	-----------	----------	----------------------	-------------------	--	------------	----------------------	----------------------	-----------	---	---------------------	----------------------



又方

用油三分酒一分和之分為二服

青苔散 治小兒鼻衄吐血并治淋瀝小便不通

用船底青苔晒乾為末三歲一錢藕節汁入蜜少許

調下淋瀝木通湯調下

獨聖散 治小兒吐血嗽血

用赤芍藥為末取生地黄藕汁入蜜少許調下食後

服又方桔梗煎湯調下及治衄血下血

欽定四庫全書

普濟方

雙黃散 治小兒吐血百治百瘥十無一失

用大黃為末取生地黄汁微煎入蜜調下量大小加

減三兩服立效又一方以白膠香為末新汲水調下

桂心膏 治小兒十歲已上久吐血氣虛胸膈不利

用桂心為末取生地黄汁薑汁蜜等分熬稠為丸如

雞頭大十歲兩丸取藕汁入蜜白湯化下一方為末

藕汁蜜調和服之三歲小兒服半錢亦治便血名桂

心散



生地黄汁方 治小兒吐血衄血
用生地黄汁取一合髮灰半錢調分作兩服食後少頃灌之
治小兒吐血不止
用黃連去鬚一兩搗為散每服一錢水七分入豉二十粒同煎至五分去滓溫服量兒大小加減
治小兒積熱攻肺卒吐血
用刺薊花曝乾不拘多少搗為末每服黃牛乳調下一錢匕日三服
治小兒吐血心躁煩悶
用刺薊自然汁一合煖令溫不計時候調下元明粉半錢量兒大小加減
又方
用亂髮燒灰細研每服以溫水調下一字
備急方 治吐血
即研藕汁或蘿蔔汁灌下即止次用小柴胡湯加生

欽定四庫全書

普濟方



地黄煎服

治小兒吐血不止

以蒲黃細研每服半錢用生地黄汁調下量兒大小
加減進之

鼻衄

附論

凡小兒體本挾熱舍於經絡血脉揚溢則為鼻衄蓋血
與氣循行經脉通於臟腑邪熱乘血血得熱則妄行隨
氣上溢出於鼻者為鼻衄血虛受熱散漫失度出於七

欽定四庫全書

普濟方

竅者為大衄 小兒傷寒鼻衄者由熱搏於氣而乘於
血肺候身之皮毛而主氣開竅傷寒先客於皮膚搏於
氣而成熱熱乘於血血得熱即流散發從鼻中為鼻衄
也凡候熱病如應衄者其人壯熱頭痛發汗不出或未
及汗而鼻燥喘息鼻氣鳴即衄也凡小兒衄半升或數
合者即因內熱得之若出一二升已上不止者即死

方

生地黄煎 治小兒鼻衄不止



槐花散 治衄血	槐花 炒 <small>一兩</small> 蒲黃 <small>兩半</small> 川薑 <small>一分</small>
顛門立止又方葶麻葉塗油炙熱熨兒顛上血止	
金花莖葉陰乾水煎服之又方白芨末調塗鼻上并	
右吹咀三歲一錢水半盞煎至三分去滓服一方剪	
藥皮湯 治小兒衄血至一二升悶絕	藥皮 <small>一兩</small> 梔子 <small>一兩</small> 甘草 <small>兩炙半</small>
防風去蘆等分同煎用之累驗	
欽定四庫全書	普濟方
黃少許生瘡疥遍體加黃芩一味等分同煎丹毒加	
右吹咀水煎去滓大小以意加減鼻衄臨熟入生蒲	
地黄湯 治榮中有熱及肺壅鼻衄生瘡一切丹毒	生地黄 赤芍藥 當歸 <small>去蘆</small> 川芎 <small>各等分</small>
調下一錢量兒大小加減服之	
右都入銀鍋內以慢火熬為膏不計時候用新汲水	
阿膠 <small>半兩搗碎炒</small> 杏仁 <small>一兩湯浸去皮</small> 蜜 <small>一合</small>	
生地黃 取汁刺薊 取汁	



右搗羅為細末每服半錢新水調下

抵聖散 治不以疾病鼻衄不止

盆硝 研 亂頭髮 燒灰 紅藍花 各等分
研 為末

右同研勻細以綿纏搵藥塞鼻中

柏枝散 治小兒衄血吐血

柏枝 乾 者 藕節 乾 者

右等分為末三歲半大錢藕汁入蜜沸湯調下一方

白芍藥為末磨犀角汁調治咯血衄血又方龍骨為

欽定四庫全書

普濟方

末吹鼻治衄血吐血咯血用藕汁調下半錢又方治

吐血不止及唾血蒲黃冷水調生地黃汁亦可

龍膽丸 治小兒衄血不止

黃連 龍膽草

右等分為末糊丸如小豆大三歲三十九或作散子

以濃鹽水送下三黃丸效一方研好墨滴鼻中一方

燒頭髮吹鼻內茅花湯亦得

石粉散 治小兒衄血日夜不止頭痛心煩



寒水石 煨
牡蠣 煨

右等分為末三歲半錢冷水調下連進二服一方人
中白燒灰為末吹鼻立止一方青竹茹燒灰入麝香
吹鼻立效一方蒜去皮研細攤餅子如錢大厚一豆
許左鼻出血貼左足心繫定右亦如之兩鼻出血兩
脚如之血止即洗去

龍肝散 治小兒壅腫鼻衄下血夜啼臍濕火丹赤遊
腫湯火熱油瘡等證

欽定四庫全書

普濟方

用竈心土名伏龍肝經十年以上者為末醋調塗腫
處鼻衄入蜜水調服腸風下血米湯調服嬰兒夜啼
鈎藤湯調下少許臍中瘡濕久不瘥乾火瘁用屋漏
水調塗冷水亦可赤遊腫行於身上至心即死雞子
白調塗一方治湯火灼陰瘡石灰水調塗一方治衄
釜底墨灰吹鼻即止一方治熱油湯火燒痛不可忍
石膏末傅之又白石灰火煨為末傅并治臍中汁出
赤腫



治春冬衄者 此乃血熱不循經而壅從鼻出也血隨

其氣而肺主氣屬鼻故自鼻出而衄蓋榮衛者血氣

之循位苟或血熱不循經氣盛而上升則血壅從鼻

中出也

出永類
鈐方

用生地黄細研取汁加生蒲黃少許沙糖井水浸服

之愈

治秋夏鼻衄

用車前草一握洗淨研取自然汁同生薑一處研取

欽定四庫全書

普濟方

汁入生蜜一匙先用滓塞兩鼻次用新汲井水和蜜

并車前草薑汁飲之即愈凡有此候皆由榮熱可服

涼血地黄湯若傷寒証小柴胡煎入地黄汁服妙治

小兒鼻衄不止者急以生蘿蔔取根搗自然汁仰頭

滴入鼻管中即止次以新汲水和蘿蔔汁薑蜜飲之

良

治小兒心肺蘊熱及心血妄行鼻衄出血不止良方

用故藤紙被一片作撚子包麝香燒熏入鼻或吹鼻



中又令患人吸呷尤佳故藤紙被舊亦得或燒內小
瓶中留性用酒調下量兒大小與服極妙

黃芩膏 治小兒衄血吐血下血

用黃芩為末煉蜜丸如雞頭大三歲一丸濃鹽湯下
一方石榴花為末吹鼻治衄血吐血一方定州甕器
末治吐血下血破血

又方 治鼻血久不止

用剗耳入鼻立效又治小兒面目卒得黑丹如芥狀

欽定四庫全書

普濟方

不急治遍身即死以猪脂調塗之即愈

玉屑散 治小兒中熱積驚及時疾後鼻衄

寒水石 研 馬牙硝 研各一兩 貝母 去心 知母 各一兩半 荷葉 一兩

水煮七
次焙

右搗研為細散每半錢蜜水調下食後服

茅根湯 出活幼口議 治小兒傷寒後有後証忽然鼻中出血

五七歲以上至大人亦有此証為紅汗為不曾解表
其汗原出於血故從鼻中出者自解



生地黄汁 生蜜 酒 <small>各一 小蓋</small> 茅根 <small>一 握搗煎 汁如稠 糖</small>	右同煎一盞相和溫服一小盞立效	立應散 <small>出聖 惠方</small> 治傷寒血熱妄行血衄不止	蒲黃 <small>研</small> 乾葛根 石榴花 <small>各半 兩</small>	右為細末每服半錢取生地黄汁勻好服一方無葛 根用新汲水調服	治小兒傷寒鼻衄已經數日不止 <small>出聖 惠方</small>	生地黄汁 <small>一 小蓋</small> 白蜜 <small>一 小蓋</small> 蒲黃 <small>一 兩</small>	欽定四庫全書 普濟方	右相和微煖過每服半盞量大小加減頓服	治小兒傷寒壯熱鼻衄不止 <small>出聖 惠方</small>	用生地黄二兩剉於銀器中以酒一中盞煎至七分 去滓不計時候分溫三服	又方 <small>出聖 惠方</small>	用生葛根汁一小盞分作二服即止	治小兒傷寒鼻衄數日不止 <small>出聖 惠方</small>	用亂髮燒灰細研頻頻吹少許於鼻中良
--	----------------	--	---	---------------------------------	--	---	---------------	-------------------	--------------------------------------	------------------------------------	-----------------------------	----------------	--------------------------------------	------------------



九竅出血

方

膠黃散

出全
嬰方

治小兒大衄口鼻耳出血不止十五六歲

兒陽盛多此病

阿膠

一兩
炒

蒲黃

兩半

右為末三歲半錢生地黄汁微煎調下以帛急繫兩

乳頭隨血左右兩竅俱出並繫兩乳

刺薊散

出全
嬰方

治小兒九竅出血

欽定四庫全書

普濟方

用刺薊一握絞汁入好酒一合和服如無青者乾者

為末冷水調下三歲一錢

痔

附論

夫痔者有牡痔脉痔腸痔血痔牝痔皆因酒食勞傷過

度損動血氣所生小兒未有虛損而患痔者是大便有

血出腸內有結熱故也

方

鼈甲散

出聖
惠方

治小兒痔疾肛邊生結核疼痛寒熱



龜甲丸 <small>出聖方</small> 治小兒痔疾結硬焮痛不止	龜甲 <small>二兩</small> <small>酥炙</small> 蛇蛻皮 <small>一兩</small> <small>燒灰</small> 露蜂房 <small>半兩</small> 麝香 <small>一分</small> 豬	後懸蹄甲 <small>一兩</small> <small>炙焦</small>	右細羅為散入麝香研令勻每服以溫酒調下半錢	日三服量大小加減服之一方無麝香忌生冷以粉	和丸	槐蛾散 治小兒痔疾下血不止熱毒流注發渴疼痛	槐蛾 側柏 <small>炙</small> 荊芥穗 棕櫚 <small>燒灰</small> 黃牛角腮 <small>燒灰</small> 牛
桑木耳散 <small>出聖方</small> 治小兒痔疾久不瘥肛邊痛痒	桑木耳 <small>微炒</small> 蝟皮 <small>炙</small> 當歸 <small>炒</small> 羌活 <small>已上各半兩</small> 枳殼 <small>一兩</small> <small>麩炒</small>	右藥搗細羅為散每服以粥飲調下半錢日三四服	量大小加減	欽定四庫全書 普濟方			
豬懸蹄甲 <small>七枚</small> 炙黃檳榔 <small>三分</small> 麝香 <small>一分</small> <small>細研</small>	鼈甲 <small>一兩</small> <small>醋炙</small> 蝟皮 <small>一兩</small> <small>炙</small> 蛇皮 <small>三分</small> <small>燒灰</small> 露蜂房 <small>半兩</small> <small>微炙</small>	右搗細羅為散入麝香研勻每服食前以粥飲調下	半錢量兒大小加減				



膝 <small>去苗灸已</small> 上各半兩	右細羅為散每服以粥飲調下半錢日三四服量兒 大小加減服之	蝟皮散 治小兒痔疾下血大腸疼痛	蝟皮 <small>灸</small> 枳殼 <small>去穢炒</small> 木賊 當歸 <small>炒</small> 槐蛾 <small>炒各</small> 一兩	右細羅為散每服以粥飲調下半錢日三四服量大 小加減	櫟樹菌子丸 治小兒痔下血不止肛邊生鼠乳疼痛	欽定四庫全書 普濟方	櫟樹菌子 <small>一兩</small> 蝦蟇 <small>一枚</small> 黃芩 <small>一枚</small> 葫荑子 黃牛角腮 <small>各一兩</small> 各 <small>一兩</small>	鰻魚頭 <small>一枚</small> 灸黃	右羅為末以煎白膠香水和丸如彈子大用瓶內如 裝香法燒一丸薰下部瘡	治小兒痔疾下部痒悶熨藥方	枳實 <small>二兩</small> 鬼箭羽 木香 鬼白 <small>已上各</small> 一兩	右搗為散以頭醋和勻炒熟用青布裏熨日三用	榼藤子散 治小兒痔疾下血無時
-------------------------------	--------------------------------	-----------------	---	-----------------------------	-----------------------	---------------	---	-----------------------------	------------------------------------	--------------	---	---------------------	----------------



小加減服之	右羅為末每服以粥飲調下半錢日三四服量兒大	荆芥 薄荷 枳殼 <small>去穰 麩炒 微黃 各一兩</small>	治小兒痔疾下血發歇不止	小加減服之	右細羅為末每服以粥飲調下半錢日三四服量大	黃耆 枳殼 <small>去穰 麩炒</small> 側柏葉 <small>各一兩 炙黃</small>	黃耆散 治小兒痔疾下血不止	欽定四庫全書	普濟方	加減	右細羅為散每服以粥飲調下三錢日三四服量兒	雞冠花 <small>一兩 焙香</small> 棕櫚 <small>二兩 燒灰</small> 羌活 <small>一兩</small>	雞冠散 治小兒痔疾下血不止	大小加減服之	右細羅為散每服以溫酒調下半錢日三四服量兒	醋石榴皮灰 <small>各半 兩</small>	榼藤子 <small>一枚 去殼炒</small> 皂莢子 <small>一枚 伯枚與榼藤子 穰同 酥炒 黃</small> 牛角腮灰
-------	----------------------	--------------------------------------	-------------	-------	----------------------	--	---------------	--------	-----	----	----------------------	---	---------------	--------	----------------------	---------------------------	---



木賊丸 治小兒痔疾痛不可忍

木賊一兩 榼藤子一兩 塗酥炙黃二兩 烏賊魚骨二兩

右羅為末煉蜜和丸如菘豆大每服以溫酒下五丸

不計時候量兒大小以意加減服之

治小兒痔疾疼痛腫硬不消宜用坐藥方

蛇床子半兩 為末 荆芥半兩 為末 蝸牛十二枚

右研爛塗紙上每發時先用白礬熱水洗痔頭後用

被褥上安藥紙坐三兩上瘥

欽定四庫全書

普濟方

槐子丸 治小兒痔疾鼠乳生肛邊煩熱疼痛

槐子一兩 微炒 黃芩一兩 榼藤子二枚 去殼 炙令黃

右羅為末以水浸蒸餅和丸如菘豆大每服以桑耳

湯下五丸日三四服量兒加減

穿山甲散 治小兒痔生肛邊如鼠乳及成瘡痛楚至

甚宜服

穿山甲二兩 炙 麝香半分 細研

右搗研令勻細每服於食前煎黃耆湯調下半錢量



兒大小加減服之	治小兒腸痔下血不止方	榼藤子 <small>三枚 大者</small>	右以七八重濕紙裹煨良久起出去殼用肉細切碾為散以黃耆湯調下半錢量大小加減	又方	用牛角腮二兩炙令黃焦搗羅為末每於食前以溫酒調下半錢量兒大小加減	欽定四庫全書 普濟方	又方	用蝟皮細剉於瓶內燒煙薰痔瘡上	普濟方卷三百八十九
---------	------------	------------------------------	-------------------------------------	----	---------------------------------	---------------	----	----------------	-----------

